



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Indictione I. Anno Ordinationis Eivs VIII.

urn:nbn:de:hbz:466:1-15221

GREGORII MAGNI PAPÆ I.
EPISTOLARVM LIBER VII.

INDICTIONE I. ANNO ORDINATIONIS EIVS VIII.

*De causa Maximi præuaricatoris, eiusque satisfactione,
& pœnitentia.*

LEVATVS est Maximus præsumptor in Dalmatia contra votum domini papæ Gregorii a militibus, per inductionem XI. & in contumacia vel præsumptione fuit annis VII. posthæc, post castigationem & flagella beatissimi atque apostolici papæ Gregorii egressus Dalmatias, venit in ciuitatem Rauennatem ad beatissimum Marinianum archiepiscopum, & iactauit se tensus intra ciuitatem in media silice, clamans & dicens: Peccavi Deo, & beatissimo papæ Gregorio. Et aëta pœnitentia per tres horas, currit exarchus Gallinicus, Castrorius chartularius ecclesiæ Romanæ cum archiepiscopo Mariniano, & eleutus cœpit ampliorem pœnitentiam coram eis agere. Tunc duxit eum ad sanctum corpus beati Apollinaris, & iuravit de omnibus quæ aduersus eum dicta de mulieribus vel ex schismate simoniaco fuerant, mixtum se non esse. Tunc reuertens Castrorius chartularius adduxit secum diaconum eiusdem Maximi, nomine Stephanum, relatorem omnium quæ a Maximo satisfacta essent. Tunc motus ad misericordiam beatissimus papa Gregorius, direxit pallium ad confirmationem eiusdem episcopi, id est VII. Kalendas Septembbris, indictione secunda.

EPISTOLA I.
GREGORII PAPÆ I.
AD SABINIANVM DIACONVM.

Dolet Maximum præuaricatorem contra consuetudinem ordinatum scripta sedis apostolicæ abscidisse.

Gregorius Sabiniano diacono.

DE causa Maximi præuaricatoris quid aëtum sit cognovisti. Sed postquam ferenissimus dominus imperator
Concil. Tom. 13. Ddd ij

iussiones transmisit vt ordinari minime debuisset, tunc ad altiorem superbiam erupit. Nam homines gloriosi viri patricii Romani ab eo præmia acceperunt, eumque ita ordinari fecerunt, vt Antonium subdiaconum & rectorem patrimonii nisi fugisset occiderent. Ego autem epistolas transmisī, postquam eum ordinatum contra rationem cognoui, & contra consuetudinem, vt Missarum solennia celebrare non præsumeret, nisi prius a serenissimis dominis cognoscerem, quid de eius persona iussissent. Quæ scripta mea publice relecta, vel in ciuitate posita, publice scindi fecit, atque in contemptū sedis apostolicæ apertius exiliit. Quod ego qualiter patiar scis, qui ante paratior sum mori, quam beati Petri apostoli ecclesiam meis diebus degenerare. Mores etiam meos bene cognitos habes, quia diu porto: sed si semel deliberauero non portare, contra omnia pericula latus vado. Vnde necesse est cum Dei auxilio periculo succurrere, ne cogatur excedendo peccare. Vide quæ dico, & pensa ex quanto dolore sunt. Peruenit vero ad me quia transmisit nescio quem clericum, qui diceret quia Malchus episcopus in custodia pro solidis occisus fit. De qua re vnum est quod breuiter suggeras serenissimis dominis nostris, quia si ego seruus eorum in morte Longobardorum me miscere voluisse, hodie Longobardorum gens, nec regem, nec duces, nec comites haberet, atque in summa confusione esset diuisa. Sed quia Deum timeo, in morte cuiuslibet hominis me miscere formido. Malchus autem episcopus neque in custodia fuit, neque in aliqua afflictione, sed die qua causam dixit, & addic̄tus est, nesciente me, a Bonifacio notario in domum eius ductus est, cui & prandium factum est, ibique prandit, & honoratus est ab eo, & nocte subito mortuus est, quod iam dilectionem tuam arbitror cognouisse. Exhilaratum autem nostrum pro ea re dirigere volui. Sed quia iam eamdem causam actam existimauit, idcirco me retinui. Domno autem Romano dilectio tua dicat, quia pro Felice, sicut scripsit, ad virum excellentissimum magistrum epistolas, si Deus iusserit, facio, & per hominem meum transmitto. Nam modo postquam nulli alteri scribo, durum mihi fuit soli magistro scribere. Cui etiam dicendum est, quia Catellus palatinus substantiam eius, quantum Virgantinus dicit,

Grat. qu. 8.

20.

male exterminat. Cui vix potui imponere, vt expensas eidem Virigantino in monasterio quo lectioni vacat, & laborare non potest, parum aliquid de substantia matris suæ dare debuisset.

EPISTOLA II.
GREGORII PAPÆ I.

AD PETRVM EPISCOPVM CORSICÆ.

De conuertendis ab idolorum cultura: & de quinquaginta solidis baptizandis transmissis.

Gregorius Petro episcopo* Corsicæ.*

*al. Chry-
santhe
*al. Spo-
letinus.

SV SCEPTIS epistolis fraternitatis vestrae magnas omni-potenti Deo gratias retulimus, quia de congregatione multarum animarum nos dignatus es releuare. Et ideo fraternitas vestra solicite studeat opus quod coepit, auxiliante Domino, ad perfectionem deducere. Et siue eos qui aliquando fideles fuerunt, sed ad cultum idolorum negligenter aut necessitate faciente reuersi sunt, festinet cum indicata poenitentia aliquantorum dierum ad fidem reducere, ut reatum suum plangere debeant, & tanto firmius teneant hoc ad quod Deo adiuuante reuertuntur, quanto illud perfecte defleuerint vnde discedunt: siue eos qui nondum baptizati sunt admonendo, rogando, de venturo iudicio terrendo, rationem quoque reddendo, quia ligna & lapides colere non debent, festinet fraternitas tua omnipotenti Domino congregare, ut in aduentu eius, cum distictus dies iudicii venerit, in numero sanctorum possit tua sanctitas inueniri. Quod enim opus utilius & sublimius acturus es, quam ut de animarum vivificatione & collectione cogites, & tuo Domino, qui tibi locum praedicandi dedit, immortale lucrum reportes? Transmisimus autem fraternitati tuae quinquaginta solidos pro vestimentis eorum qui baptizandi sunt comparandis, presbytero quoque ecclesiae, quæ in Negeugno monte sita est, possessionem quam tua fraternitas petiit dari fecimus, ita ut quantum præstat, tantum de solidis, quos accipere consueverat, minus accipiat. Vestra autem fraternitas petiit, ut sibi episcopum in ecclesia, quæ non longe ab eodem monte est, facere debeat; quod omnino libenter accepi,

D d d iij

quia quantum vicina fuerit, tantum prodeesse animabus illic consistentibus amplius poterit. Latorem vero præsentium per intercessionem sanctitatis vestræ acolythum fecimus, quem ad obsequia vestra retransmisimus, ut si in lucrandois animabus amplius seruierit, proficere amplius possit.

EPISTOLA III.

GREGORII PAPÆ I.

AD ANASTASIVM EPISCOPVM ANTIOCHENVM.

Consolatoriam scribit epistolam de aduersitatibus huius mundi, de barbarorum gladiis, ac diuersis aduersitatibus.

Gregorius Anastasio episcopo Antiocheno.

SVSCPEPI epistolas suauissimæ beatitudinis vestræ, quæ pro verbis lacrymas pluebant. Vidi namque in eis nubem more suo in altum volantem, sed quamdam caliginem tristitiae ferentem, nec penetrare in ipso exordio facile valui, vnde & quo iret, quia pro ipsa quam dixi caligine ad plenum causas non intellexi. Hoc tamen sanctissimos vos semper, sicut & facitis, reducere ad mentem decet, *a. Tim. 5.* quod prædictor gentium dicit: *In nouissimis temporibus instabunt tempora periculosa, & erunt homines seipso amantes, cupidi, elati, & cetera, quæ mihi labor est dicere, & vobis non est necessarium audire.* Ecce in senectute vestra sancta beatitudo multis tribulationibus laborat, sed perpendat cuius sedem teneat. Numquid non illius, cui voce veritatis dictum est: *Cum senueris, alius te cinget, & ducet quo non vis?* Sed hæc dicens recolo quod sanctitas vestra in multis aduersitatibus etiam a iuuentute desudavit. Cum bono ergo rege dicat: *Recogitabo tibi omnes annos meos in amaritudine animæ meæ.* Sunt autem multi qui delectationem suam, sicut scribitis, de nostris sibi vulneribus faciunt: *sed scimus qui dixit: Plorabitis, & flebitis vos; mundus autem gaudebit, vos autem contristabimini: vbi & protinus adiunxit: Sed tristitia vestra vertetur in gaudium.* Quia vero iam prædicta patimur, restat ut etiam promissa sperare debeamus. Hi enim de quibus dicitis, quia ipsi addunt onera *Math. 7.* qui subleuare debuerunt, scio quia illi sunt, *qui veniant*

*Iean. 21.**Iea. 38.**Iean. 16.**Math. 7.*

in uestitu onium, & intus sunt lupi rapiaces. Sed tanto magis tolerandi sunt, quanto nos non solum per malitiosam mentem, sed etiam per religiosum habitum persequuntur. In hoc autem quod soli præ aliis habere appetunt, quod dignum non fuerat ut vel cum fratribus haberent, nullo modo turbamur; quia in omnipotenti Deo confidimus, quod hi qui aliena appetunt, etiam suis citius priuantur. Scimus enim qui dixit: *Quia omnis qui se exaltat humiliabitur.* Luc. 14. Et rursus scriptum est: *Ante ruinam exaltatur cor.* Pro. 16. His autem diebus, sicut inuenio, noua hæreticorum bella consurgunt, de quibus uestræ beatitudini iam antea scripsi, ita ut prophetas, euangelia, & dicta patrum omnia euacuare moliantur. Sed permanente vita uestræ sanctitatis, in protectoris nostri gratia speramus, quod eorum ora citius obmutescant, quæ contra soliditatem veritatis aperta sunt, quia & quamlibet acuti gladii immittantur, cum saxum feriunt, fracti resiliunt. Hoc autem magna Dei omnipotentis est gratia, quod in ipsis qui a sanctæ ecclesiae doctrina diuisi sunt, vnitas non est: *Quoniam omne regnum in se diuinum non stabit.* Luc. 11. Et sancta ecclesia subtilius in sua semper eruditione instruitur, dum hæreticorum quæstionibus impugnatur, ita ut aperte impleatur quod per Psalmistam contra hæreticos de Deo dictum est: *Divisi sunt ab ira vultus eius, & appropinquauit cor illius.* Psalm. 54. Nam dum ipsi in suo prauo errore diuiduntur, cor nobis Deus appropiat; quia erudit aduersitatibus, intellectum eius subtilius inuenimus. Quæ autem mala a barbarorum gladiis, quæ a peruersitate iudicum patimur, beatitudini uestræ narrare refugio, ne eius gemitum augeam, quem minuere consolando debueram. Sed in his omnibus auctoris nostrime præcepta consolantur dicentes: *Hæc locutus sum vobis, ut in me pacem habeatis.* Ioan. 14. In mundo pressuram habebitis. Pensò enim quibus dictum est: *Hæc est hora uestra, & potestas te-nebrarum.* Luc. 22. Si ergo potestas lucis postea erit, quia electis dictum est: *Vos estis lux mundi:* & sicut scriptum est: *Obtinebant eos iusti in matutino:* Math. 5. omne quod in hora & potestate tenebrarum patimur, lugendum non est. Indicat autem mihi suauissima sanctitas uestra, quod mecum, si potuisset fieri, sine charta & calamo loqui voluisset, & dolet quod nobis orientis pene & occidentis spatium interiacet. Sed

hoc quod sentio, verum dico, & in charta mihi mens vestræ sine charta loquitur, quia in verba vestræ sanctitatis sola caritas sonat, & diuini locis non sumus, qui ex dono omnipotentis Domini dilectionis vinculo coniuncti sumus. Cur igitur accipere pennas columbæ deargentatae quæritis, quas iam habetis? Pennæ quippe eius sunt caritas Dei & proximi. Per ipsas enim sancta ecclesia euolat, per ipsas terrena omnia transcendent; quas si vestræ sanctitas non haberet, ad me cum tanta caritate per epistolas non venisset. Rogo autem ut pro mei cordis infirmitate enixius oretis, quatenus omnipotens Deus mentem meam a malis omnibus pro vestræ intercessione tueatur, & citius me de tot procellis huius tempestatis eripiat, atque in æternæ quietis litora perducat. Benedictiones vero locupletissimas omnes quæ directæ sunt suscepisti, quas mihi vir Dei pauper spiritu transmisisti, de quibus dicitis: Quid enim debet pauper, nisi ea quæ paupera sunt? Sed nisi vos per humilitatis spiritum pauperes essetis, benedictiones vestræ locupletes non fuissent. Omnipotens Deus sua vos a malis omnibus protectione custodiat, & quoniam vita vestræ bonis omnibus valde est necessaria, post longa adhuc tempora vos ad cœlestis patriæ gaudia perducat.

EPISTOLA IV.

GREGORII PAPÆ I.

AD BONVM EPISCOPVM MESSANENSEM.

De precio pro sepultura aliqua nunquam recipiendo,
vbi proponit exemplum Abrahæ,
& Sichimitarum.

Gregorius Bono episcopo Messano.

FILIVS noster Faustinus vir eloquentissimus ad nos veniens questus nobis est, quod pater eius quondam Petrasius aliqua vestræ ecclesiæ, sepulturæ suæ gratia iuris alieni reliquerit. Et quidem quid de hac resculi leges habent & ipsi nostis, & nos audiuiimus: quia heres ad soluendum cogitur, si auctor eius vel testator aliena legauerit. Sed quia fraternitatem vestræ lege Dei, non autem lege resculi nouimus vivere, valde mihi iniustum videtur, ut calix eletrinus, & puer qui cuiusdam ecclesiæ, in possessione

sessione eius positæ, diœceseos Consentinæ ecclesiæ esse perhibetur, at tua fraternitate teneatur. Cum enim & vir reuerendissimus Palumbus, nunc episcopus, tunc vero archidiaconus, ita fuisse testatus est, vos omnino eius fidei credere, & aliena restituere debuistis.* Tabulam vero auream quam prædictus vir moriens pariter reliquit considerare, ut arbitror, debuistis, quæ esset summa eius substantiæ, si quid esset vnde hi quos reliquerat sustentari debuissent, & tunc pro sepultura eius accipere: cum secundum nostrum institutum noueris nos illicitam antiquam consuetudinem a nostra ecclesia omnino vetuisse, nec cuiquam assensum præbere, ut loca humani corporis precio possint adipisci. Nam si gentiles, ut arbitramur, viri Sichimitæ, Abrahæ pro Sara mortua, atque in loco proprio humanda sepulturam gratis obtulerunt, & vix magna eius importunitate coacti sunt, ut precium de loco sepulturae perciperent, nos qui episcopi dicimur, de humandis fidelium corporibus pensa quid facere debeamus. Hoc ergo fraternitatis vestrae iudicio committimus. Et hoc quoque nobis prædictus eloquentissimus vir questus est, Sisinium defensorem ecclesiæ tuæ irrationabiliter iuri suo mancipia competentia detinere. De quibus etiam iudicio sanctæ memoriae Maximiani episcopi, ut ea detentor redderet, esse asserit definitum: sed eorum restitutionem hactenus voluntarie distulisse. Hortamur ergo fraternitatem tuam, ut si manifeste causa iam iudicata est, quæ statuta sunt compleantur. Alioquin deputato defensore ad fratris & coepiscopi Secundini nostri partes fac iudicium conuenire; ut dum cuius sint iuris mancipia, de quibus quæstio vertitur, eius fuerit sententia declaratum, nechic præiudicium, nec ille videatur iniuriam sustinere.

Gen. 23.

EPISTOLA V.

GREGORII PAPÆ I.

AD BRVNICHILDEM REGINAM FRANCORVM.

Pallium Syagrio episcopo concedit. De sacris ordinibus præmio vel gratia non conferendis, & ne ex laicis re-pente fiant episcopi. Laudat eius erga Augustinum caritatem, hortaturque ut schismaticos ad concordiam reuocare, atque idololatriæ reliquias, & alia in regno suo vitia coercere studeat, & de codice transmisso.

Gregorius Brunichilda reginæ Francorum.

QVANTA in omnipotentis Dei timore excellentiæ vestræ mens soliditate firmata fit, inter alia bona quæ agitis, etiam in sacerdotum eius laudabiliter dilectione monstratis: & magna nobis fit de Christianitate vestra lætitia, quoniam quos venerantes ut famulos reuera Christi diligitis, augere honoribus studetis. Decet enim vos, excellentissima filia, decet tales existere, ut subiectæ possitis esse Dominatori. In eo enim regnum potestatis vestræ & subiectæ gentibus confirmatis, in quo timori omnipotentis Domini mentis colla subiicitis: & vnde vosmetipsas seruitio Creatoris subiicitis, inde vobis vestros subditos ad seruitium deuotius obligatis. Suscepitis itaque epistolis vestris, valde nobis excellentiæ vestræ studium placuisse signamus, atque fratri & coepiscopo nostro Syagrio pallium dirigere secundum postulationem vestram voluimus. Propter quod & serenissimi domni imperatoris, quantum nobis diaconus noster, qui apud eum responsa ecclesiæ faciebat, innotuit, prona voluntas est, & concedi hoc omnino desiderat. Atque multa de prædicto fratre nostro tam vobis, quam etiam aliis testificantibus, ad nos bona perlata sunt, maxime vitam eius Ioanne regionario ad nos remeante cognouimus. Et quid in fratre nostro Augustino fecerit audientes, Redemptorem nostrum benedicimus, quia eum sacerdotis nomen etiam operibus implere sentimus. Sed res plurimæ restiterunt, quæ nos hoc interim facere minime permiserunt. Primum siquidem quia is qui pallium ipsum venerat accepturus, schismaticorum errore tenetur implicitus. Deinde quod non

Grat. dist.

100. cap. 2.

Anselm. l. 6.

cap. 92.

intelligi. Extra hoc autē, quia nec is qui eo vti desiderat di-
Ioan. diac.
lib. 3. c. 5.
 recta ad nos hoc sibi largiri speciali petitione poposcerat,
 & tantam causam nullo modo præbere sine eius postulatio-
 ne debuimus; maxime quia & prisca confuetudo obtinuit,
 vt honor pallii nisi exigentibus causarum meritis, & forti-
 ter postulanti dari non debeat. Nos tamen, ne vestræ ex-
 cellentiæ desiderium sub prætextu cuiusquam excusatio-
 nis forsitan videremur velle differre, dilectissimo filio no-
 stro Candido presbytero pallium præuidimus dirigendū,
 iniungentes ei, vt vice nostra congrua id debeat obserua-
 tione tribuere. Vnde necesse est, vt ex opere suo suprascri-
 ptus frater & coepiscopus noster Syagrius, facta cum ali-
 quātis episcopis suis petitione hoc sperare, atque eam præ-
 dicto debeat dare presbytero; quatenus digne eiusdē pal-
 lii usum cum Dei gratia valeat adipisci. Vt ergo hæc vobis
Iux. partes 5.
cap. 90.
 cura ante oculos Creatoris nostri in fructu sit, Christianita-
 tis vel træ solicitude diligenter inuigilet, & nullum, qui sub
 regno vestro est, ad sacrum ordinem ex datione pecuniæ,
 vel quarumlibet patrocinio personarum, seu proximitatis
 iure patiatur accedere; sed ille ad episcopatus, vel alterius
 sacri ordinis officium eligatur, quem dignum & vita & mo-
 res ostenderint; ne si, quod non optamus, honor venalis
 fuerit sacerdotii, simoniaca in illis partibus hæresis, quæ
 prima in ecclesia prodiit, & Petri sententia est damnata,
 consurgat, & regni vestri, quod absit, vires imminuat.
 Nam graue omnino, & ultra quam dici potest, facinus est,
 Spiritum sanctum, qui omnia redemit, venumdari. Sed
 & hoc curæ vobis fit, vt quia, sicut nostis, neophytum
 egregius prædicator ad sacerdotii regimen omnino vetat
 accedere, nullum ex laico patiamini episcopum consecra-
 ri. Nam qualis magister erit, qui discipulus non fuit? aut
 quemadmodum ducatum gregi dominico præbeat, qui
 disciplinæ pastoris subditus ante non fuerit? Si cuius ergo
 talis vita constiterit, vt ad hunc dignus sit ordinem pro-
 moueri, prius ministerio debet ecclesiæ deseruire; qua-
 tenus longæ exercitationis usu videat quod imitetur,
 & discat quod doceat: ne forte onus regiminis conuer-
 sionis nouitas non ferat, & ruinæ occasio de prouectus
 immaturitate consurgat. Qualiter autem se excellentia
 vestræ erga fratrem & coepiscopum nostrum Augusti-

Concil. Tom. 13.

Eccc ij

num exhibuerit, quantamque illi sibi Deo aspirante caritatem impenderit, diuersorum fidelium relatione cognouimus; pro qua gratias referentes, diuinæ potentia misericordiam deprecamur, vt & hic vos sua protectione custodiat, & sicut inter homines, ita quoque & post multorum annorum tempora in æterna faciat vita regnare. Præterea hos quos ab unitate ecclesiæ schismatorum error dissociat, ad unitatem pro vestra mercede studeat reuocare concordia. Nam non ob aliud in ignorantia suæ haçtenus cæcitate voluuntur, nisi vt ecclesiasticam fugiant disciplinam, & peruerse habeant, vt voluerint, viuendi licentiam; quia nec quid defendant, nec quid sequantur intelligunt. Nos autem Calchedonensem Synodus, de qua illi sibi pestiferæ nebulas excusationis assumunt, per omnia veneramur & sequimur; & si quis de fide eius minuere aut addere aliquid præsumperit, anathematizamus. Sed ita illos erroris labes imbibit, vt ignorantia suæ credentes vniuersam ecclesiam, atque omnes quatuor patriarchas, non ratione, sed malitiosa mente tantummodo refugiant; ita vt is qui ad nos a vestra excellentia missus est, cum quereretur a nobis cur ab vniuersali ecclesia separatus existeret, se ignorare professus sit. Sed neque quid diceret, neque quid aliud audiret, valuit scire. Hoc quoque pariter hortamur, vt & ceteros subiectos vestros sub disciplinæ beatissime moderatione restringere, vt idolis non immolent, cultores arborum non existant, de animalium capitibus sacrificia sacrilega non exhibeant; quia peruenit ad nos quod multi Christianorum & ad ecclesias occurrant, &, quod dici nefas est, a culturis dæmonum non abscedant. Quoniam vero omnino Deo nostro hæc displicent, & diuisas mentes non possidet; prouidete vt ab his debeat illicitis salubriter coerceri; ne, quod absit, non eis ad redemptionem, sed poenam, sacri fiat baptismatis sacramentum. Si quos igitur violentos, si quos adulteros, si quos fures, vel aliis prauis actibus studere cognoscitis, Deum de eorum correctione placare festinate; vt super vos flagellum perfidarum gentium, quod quantum videmus ad multarum nationum vindictam excitatum est, non inducat; ne si, quod non credimus, diuinæ vltionis iracundia scelerorum fuerit actione commo-

ta, belli pestis interimat quos delinquentes ad rectitudinis viam Dei præcepta non reuocant. Necesse est ergo ut omni studio & oratione assidua ad Redemptoris nostri conuertimisericordiam festinemus, vbi tutus omnibus locus est, & magna securitas. Nam illic quemquam solide persistentem, nec periculum conterit, nec metus exagitat. Codicem vero, sicut scripsisti, prædicto dilectissimo filio nostro Candido presbytero vobis offrendum transmittimus, quia boni vestri studii esse participes festinamus. Omnipotens Deus sua vos protectione custodiat, atque a perfidis gentibus regnum vestrum sui brachii extensione defendat, vosque post longa annorum curricula ad gaudia æterna perducat. Data mense Octobri, indictione prima.

EPISTOLA VI.
GREGORII PAPÆ I.

AD VENANTIVM EPISCOPVM LVNENSEM.

De monasterio suo consecrando.

Gregorius Venantio episcopo Lunensi.

FATERNITATIS vestræ insinuatione didicimus, quæ habentur in subditis, intra ciuitatem Lunensem in domo te propria monasterium ancillarum Dei pro vestra deuotione fundasse, quod in honore beati Petri apostolorum principis, & sanctorum martyrum Ioannis & Pauli, atque Hermae & Sebastiani desideras consecrari. Et ideo, frater carissime, si nullum corpus ibidem constat humatum, data primitus a fraternitate tua donatione legitima, id est, calicem argenteum vnum habentem vncias sex, patenam argenteam habentem libras duas, syndones duas, cooperitorum super altare vnum, lecta strata numero decem, in æramentis capita viginti, in ferramentis capita triginta, in cespite fundum Faborianum, & lumbricate in integro constitutum in territorio Lunensi milliario ab vrbe eadem plus minus secundo, iuxta fluuium Macram, cum seruis duobus, id est Mauro & Ioanne, & boum parium vndecim tantum, gestisque municipalibus alligatis prædicti monasterii oratorium absque Missis publicis solenniter consecrabis, & cetera secundum morem.

Eccc iiij

Mense Novembri, indictione prima.

EPISTOLA VII.

GREGORII PAPÆ I.

AD AMOS EPISCOPVM HIEROSOLYMITANVM.

De Petro acolytho fugitiuo.

Gregorius Amos episcopo Hierosolymitano.

CVM fraternitatem vestram confidamus Canonum statura & vigorem diligere disciplinæ, ne clerici nostri vobis ad euitandam distinctionem ecclesiastici ordinis falsitas surrepere valeat, eius culpam sanctitati vestrae indicare prospeximus, vt sollicitudine vestra disciplinæ possit submitti quam refudit. Comperimus autem quod Petrus acolythus, quem dilectissimo filio nostro Sabiniano diacono responsa ecclesiastica facienti obseruare in urbe regia feceramus, fugiens ad vestram ecclesiam venerit. Quod si verum est, in tuto eum facere fraternitas vestra, & inuenta huc studeat occasione remittere. Aut si forte hoc metuens a vestra discesserit ecclesia, & per diuersa loca, ne comprehendi valeat, latitet, in omnibus parochiis vestris ut diligenter requiratur iniungite, & inuentum ad nos, sicut præfati sumus, transmittite: quem etiam volumus per vos, quia sit communione priuatus, agnoscere, nec dominici corporis ac sanguinis, quoisque ad nos redeat, audeat mysteria sumere, nisi forte vicino mortis insidente periculo.

EPISTOLA VIII.

GREGORII PAPÆ I.

AD LEONEM EPISCOPVM CATANENSIVM.

De portionibus clericorum.

Gregorius Leoni episcopo Catanensem.

Ad hoc locorum gradus rationis ordo distinxit, & iudicia esse constituit, vt nec præpositi in opprimendos se frustra valeant occupare subiectos, nec subiectis iterum contra suos præpositos effrenata sit resultandi licentia. Et ideo quia post decimamquintam nuper indictionem elat-

psam, ecclesiæ tuæ acolythi, dato contra te capitulari, quædam conquesti sunt; ne aut in tuæ fraternitatis inuidia remanerent, aut illos in suis videremur petitionibus non audire, dilectissimo filio nostro Cypriano diacono ea subtiliter inquirenda mandauimus. Qui iniuncta cognoscens, quid de capitulo vnoquoque decreuerit, inquisitioni nostræ est subtilius patefactum. Et quia inter alia de quarta portione clerus hoc tenendum statuit, vt vnam portionem hi qui in sacro loco sunt positi, & reliquas duas clerus accipiat, & latores præsentium Donatus presbyter, nec non & Theodosianus atque Viator diaconi, aliorum quoque qui in sacrato sunt ordine constituti, relationem ad nos deferentes conquesti sunt, hoc contra antiquam consuetudinem in suo grauamine præjudicialiter statutum, quippe quia de eadem quarta semper se duas partes, & tertiam clerum perhibent consecutum, & petiuerunt ne hæc diffinitio in suo præjudicio permaneat; nos hoc fraternitatis tuæ dispositioni oportere præuidimus commitendum. Volumus ergo, vt quidquid ecclesiæ tuæ ex reditu vel quolibet alio titulo fortassis accesserit, quartam exinde portionem sine diminutione aliqua debeas segregare, atque eam secundum Dei timorem presbyteris, diaconis, ac clero, vt tibi visum fuerit, discrete diuidere: ita sane vt vnicuique, sicut meritum laboris exegerit, libera tibi sit, iuxta quod præuideris, largiendi licentia; quatenus & hi qui merentur etiam temporali se sentiant hoc commodo consolari, & alii adiuuante Domino eorum ad melius contendant imitatione proficere.

EPISTOLA IX.

GREGORII PAPÆ I.

AD VITALIANVM EPISCOPVM SIPONTINVM.

De filia Tulliani magistri militiæ ad pristinum habitum
reuocanda, & in monasterio detrudenda.

Gregorius Vitaliano episcopo Sipontino.

Si custos religiosi habitus aut esse noſſes episcopus, fi- Iuo part. 7.
cap. 76.
Grat. 17. q.
1. cap. 18.
liam glorioſe memoriae Tulliani magistri militiæ, te illic posito, nec proiectis religiosis vestibus ad ſecularem reuer-
ti habitum, nec ad nos licuiffet peruersam epistolam desti-

nare. Sed quia nimia desidia ac torpore deprimeris, in tuo dedecore res ad præsens illicita impune commissa est. Nam si, vt præfati sumus, solicitus extitisses, prius ad nos vltio mulieris prauissimæ quam culpa debuit peruenire. Quia ergo tantum hebes, tantumque es negligens, vt nisi canonicam in te fueris coercionem expertus, in aliis distinctionem & disciplinam nescias custodire; qualiter debas esse solicitus, congruo tibi, si Domino placuerit, tempore demonstrabimus. Præsentia igitur scripta suscipiens euigila, & excitatus saltem exequere quod pressus usque nunc ignavia distulisti. Instantia ergo tuae sit prædictam mulierem una cum Sergio defensore nostro comprehendere, & statim non solum ad male contemptum habitum sine aliqua excusatione reuocare, sed etiam in monasterium, ubi omnino districte valeat custodiri, detrudere: & ita omnem circa illam sollicitudinem exhibere, vt quam sit nefarium quod commisit, ex tua possit distinctione cognoscere. Quia in re si quis, quod non credimus, clericorum vel laicorum aliquo tibi ingenio tentauerit obsistendum, a sacratissimæ eum communionis participatione suspendere, nobisque renuntiare festina: vt quantum sit execrabilis quod præsumperit, postquam consideratione propria non aduertit, emendationis qualitate cognoscatur. In his autem omnibus ita te cautum stude ac vigilantem ostendere, vt culpam tuam non geminare neglectus, sed aliquantisper valeat sollicitudo minuere.

EPISTOLA X.

GREGORII PAPÆ I.

AD SERGIVM DEFENSOREM.

De filia Tulliani magistri militiaæ.

Gregorius Sergio defensori.

Grat. 27. q.
1. cap. Si
homo. **S**i homo es, aut discretionem aliquam habuisses, ita regularis disciplinæ debuisti custos existere, vt ea quæ illicite illic committuntur, ante vindicta corrigeret, quam ad nos eorum nuntius perueniret. Sed dum nimia te facit stultitia negligentem, non solum de illis offendimur, sed etiam ad vlciscendam desidiam tuam nihilo minus prouocamus. Omni ergo dilatione omniexcusatione postposita,

posita, filiam glorioſæ memoriæ Tulliani magistri militiae,
quaꝝ proiectis, quas ſponte affumpſerat, religioſis veſtibus
indumentis ſe laicis deturpauit, vna cum fratre & coepi-
ſcopo noſtro Vitaliano festina comprehendere, atque ad
religioſum rurſus habitum reuocare, ac in monaſterium
mittere, vbi ſtričte omnino valeat cuſtodiri. Nec eius cu-
ſtodiam aliquatenus reueari permittas, quoꝝque noſtra
denuo ſcripta fuſceperis. Nam ſi quolibet modo in hac re
negligens veſlentus extiteris, ita in te noueris diſtričtiſſi-
me vindicandum, vt quod ex te nescis, poena poſſis * reſe-
rante cognoscere: quia, ſicut diximus, ſi intellectum homi-
niſ habuiffes, haec quaꝝ modo facere præciperis a te debue-
ramus etiam cum vltione facta cognoscere.

* al. refe-
cante

EPISTOLA XI.

GREGORII PAPÆ I.

AD EVSEBIVM, VRBICIVM, &c.

De lege imperatoris: & quod ex militari habitu nullus
niſi ante triennium probatus fuſcipiendus fit.

*Gregorius Eusebico Theſſalonicensi, Vrbicio Dyrachitano, Conſan-
tio Mediolanensi, Andreæ Nicopolitano, Ioanni Corinthi,
Ioanni primæ Iuſtinianæ, Ioanni Cretensi * Scorintano, Ioan-
ni Lariffæo, Mariniano Rauennati, Ioanni Calaritano Sar-
diniae, & omnibus episcopis Siciliæ.*

* Corintio

LE GEM quam piiflimum imperator dedit, ne fortaffe hi
qui militie vel rationibus ſunt publicis obligati, dum
cauſarum ſuarum periculum fugiunt, ad ecclesiasticum
habitum veniant, vel in monaſteriis conuertantur, veſtræ
ſtudii fraternitati transmittere: hoc maxime exhortans,
quod hi qui ſæculi actionibus implicati ſunt, in clero ec-
clesiæ præpropere fuſcipiendi non ſunt: quia dum in ec-
clesiastico habitu non diſſimiliter quam vixerant viuunt,
nequaquam ſtudent ſæculum fugere, ſed mutare. Quod ſi
etiam tales quoque monaſteriū petunt, fuſcipiendi nullo
modo ſunt, niſi prius rationibus publicis abſoluti fuerint.
Si qui vero ex militaribus * numeris in monaſteriis con-
uertiſtant, non ſunt temere fuſcipiendi, niſi eorum vi-
ta fuerit ſubtiliter inquisita. Et iuxta normam regularem
debent in ſuo habitu per triennium probari, & tunc mo-

Concil. Tom. 13.

Iuo part. 10.
cap. 124.
Grat. dift.
53. cap. 1.

Ffff

* viris

nachicum habitum Deo auctore suscipere. Qui si ita sunt probati atque suscepti, & pro anima sua pœnitentiam de perpetratis culpis agere student, pro eorum vita & lucro cælesti non est eorum conuercio renuenda. Quia de re etiam serenissimus & Christianissimus imperator, mihi credite, omnimodo placatur, & libenter eorum conuercionem suscipit, quos in rationibus publicis implicatos non esse cognoscit.

Mense Decembri, indictione prima.

EPISTOLA XII.

GREGORII PAPÆ I.

AD SABINIANVM EPISCOPVM IADERTINV.

De pœnitentia eius acta propter communionem Maximi
præuaricatoris, & Florentino episcopo.

Gregorius Sabiniano episcopo Iadertino.

Ioan. diac.
lib. 4. c. 11. **S**IC VT perseueranti culpæ debetur iure vindicta, ita resi-
piscientibus est venia concedenda. Nam vt res illa con-
tra se merito iracundiam excitare, sic hæc in sua prorsus
dilectione solet concordiam propagare. Et ideo quia fra-
ternitatem tuam a consortio & communione Maximi,
vb̄ te prius neglectus impulerat, intantum postea graui-
tas sacerdotii ad annum reducta suspendit, vt eius sola
nullatenus patereris esse segregatione contentus, nisi & in
monasterii te claustra recipiens dudum commissa defle-
res; eapropter in nostra te gratia ad communionem rece-
ptum esse non dubites: nam quantum nos prius culpa tuæ
caritatis offenderat, tantum pœnitentia mitigauit. Hor-
tor igitur, dilectissime frater, vt gregi dominico pastora-
lem sollicitudinē instanter impendas, lucrumque de com-
missis ouibus facere diligenter inuigiles, vt tantum tibi co-
piosæ retributio mercedis exuberet, quantum in aduen-
tum æterni iudicis multiplices laboris fructus obtuleris.
Stude itaque in culpa lapsos erigere, stude errantibus re-
grediendi viam ostendere, stude communione priuatos
ad communionis salubriter gratiam reuocare. Sit ceteris
caritatis vestræ reuersio erectionis officium, sit salutis
exemplum; quatenus dum errantes gressus ouium ad se-
pta summi pastoris sollicitudinis vestræ cura direxerit, nec

EPISTOLARVM LIBER VII. 595

ipsæ luporū dentibus relinquuntur expositæ, & te in æterna vita, quod summopere petendum est, dignæ compensatione retributionis excipiat. De causa vero quam nobis scripsistis, ut debeamus, ne in vrbe regia contra vos surripiat, esse solliciti, animos vestros res ista non turbet. Nam responsali nostro omnino studiose mandauiamus, ut sollicitum cautumque se debeat exhibere. Et confidimus de Dei nostri potentia, quia id agitur, ut vos nullius contradictionem aut turbare quoquomodo aut premere possit aduersitas. Præterea habitatores Epidauriensis ciuitatis Florentium, quem suum esse dicunt episcopum, sibi a nobis restituendum studiosissime poposcerunt, afferentes frustra eum ad solam tantummodo voluntatem Natalis quondam episcopi detrusum exilio. Et ideo quid de eius causa fraternitas vestra cognouit, nobis suis subtiliter epistolis innotescat. Si autem necdum cognouit, requirat, nobisque renuntiet, ut quidquid de eo statuendum sit certi deliberare adiutore Domino valeamus.

Mense Februario, indictione prima.

EPISTOLA XIII.

GREGORII PAPÆ I.

AD CANDIDVM ABBATEM SANCTI ANDREÆ.

Confirmat concordiam & transactionem inter monasterium sancti Andreæ, & Maurentium magistrum militiae.

*Gregorius Candido abbati monasterii sancti Andreæ
ad cliuum Scauri.*

SIC VT loci nostri consideratio prouidere nos admonet, ut monasteriorum negotia pacis intentio salubri fine distinguat, sic iterum ratione constringimur, consensus nostri auctoritate quæ utiliter decisa fuerint roborare: ne forte cuiusquam excusationis obiectu, quod a religioso proposito, & æquitate valde dissentit, aliquid in dubium contentio recidiua perducat, & gignat ex pace litigium. Proinde quoniam inter te & Candidum abbatem monasterii sancti Andreæ apostoli positi in hac vrbe Romana in clivo Scauri, agentem vtilitates eiusdem monasterii, & Maurentium gloriosum magistrum militiae, causa succeſſi.

Concil. Tom. 13.

Ffff ij

sionis hereditatisque Ioannis fratris consanguinei prædicti viri, qui in suprascripto monasterio conuersus est ac defunctus, cum nostro quoque consensu commoda sollicitaque transactionis pagina interueniente decisa est: denique quia cum fidei memorati gloriosissimi magistri militiae sinceritas olim nobis veraciter nota sit & bene comperta, ut ad satisfactionem posset omnino sufficere etiam dato corporaliter sacramento, firmaret nihil se in fraude versatum, aut aliquid occultasse, sed omnia integre prodidisse: idcirco huius decreti præceptique nostri serie transactionem decisionemque inter te & præfatum Maurentium gloriosum habitam, ratam habentes, per omnia confirmamus, nec in totum partemve aliqua ratione conuelli, sed eam habere perpetuam decernimus firmitatem. Cui rei si quis, quod non credimus, contrariam afferre quoquo modo tentauerit voluntatem; ille quidem reum se ante Deum esse nouerit, qui nititur ea quæ utiliter sunt finita rescindere: nam eidem decisioni transactionique nihil se derogare cognoscat. Ut ergo & sœpedicti gloriose Maurentii maneret illibata securitas, & tu nihil de his quæ decisa sunt valeas dubitare, simile ei præceptum pro vtraque partium munitione concessimus.

EPISTOLA XIV.

GREGORII PAPÆ I.

AD ADEODATVM ET MAVRENTIVM EPISCOPOS.

Perseuerantiam boni operis commendat laudatque.

Gregorius Adeodato & Maurentio episcopis Africae a paribus.

MVLTVM, frater carissime, sinceritatis tuæ bono congaudeo, quod grauitatem qua præditum te dudum audieram, præsentium portitoris Pauli fratris & coepiscopi nostri testificatio confirmauit. Qui tanto latius quanta in nobis solicitude ecclesiastici ordinis, quantaque cura sit rectitudinis indicauit, quanto hoc & præfens competit, & in sua amplius defensione cognouit. Quia ergo magnum, sicut nos tis, coram Deo nostro est in bonis quemquam indesinenter operibus permanere, fraternitatis vestrae se solicitude ad fouendas partes iustitiae decenter exacuat, & contra ecclesiastici vigoris moderamina, prout

possibile fuerit, prouisionis suæ solatio fieri nihil permittat. Nec vos res aliqua ab huiusmodi intentione remoueat; sed si qua sunt quæ dilectionis vestræ sinceritatem offendunt, & regulas canonicae discretionis excedunt, vigilanter studete curam impendere, atque ea hortando, suadendo, terrendo emendare, caritatis unitatem seruare, in quantum vires suppetunt, Deo adiuuante contendite, & excessus auctorem coercionis freno sacerdotali constringite, atque eum ab iniuio itinere lingua ducite, & actione reducete, & ita vestram in omnibus efficaciam exhibete, vt Deus omnipotens, qui bonæ voluntatis auctor & intentionis inspecto est, velle vestrum & hic adiuuet, & in futura vita remuneret. Supradictum vero Paulum fratrem & coepiscopum nostrum fraternitati vestræ commendantes hortamur, vt idonee caritatem vestram debeat experiri quam prædicat.

EPISTOLA XV.

G R E G O R I I P A P A E I.
AD VICTOREM ET COLVMBVM.

De contentione parochiarum dirimenda.

Gregorius Victori & Columbo episcopis Numidiae a paribus.

QVANTO cordi nostro latitudinem ecclesiæ ordo inculpabiliter custoditus infundit, tanto rescissus tedium doloris imponit, quod prauitatis temeritas in euersionem disciplinæ tentat & quæ sunt olim laudabiliter statuta disoluere, & quæ fortius punienda præsumere. Præsentium itaque portoris Cresconii fratris & coepiscopi nostri querela ad nos insinuante peruenit, quod nulla exigente culpa, vel Concilii definiente sententia, ecclesiæ eius parochiæ antiquitus deputatae a Valentine fratre & coepiscopo nostro ante fere quindecim annos sint irrationabiliter occupatae, atque eum insuper res successoris ipsius ad suum, quod dici graue est, arbitrium abstulisse. Quod si ita veritas se habet, quam peruersum, quamve sic execrandum, præcipue religioso præposito, dicere non valemus. Hac igitur in re, quia nec lenitas nec aliqua debet esse dilatio, fraternitatem vestram præsenti epistola commenemus, vt sollicitius requiratis: & si querela eius manifesta

esse constiterit, ablatarum rerum & occupatarum parochiarum restitutione dilectio vestra sine mora succurri prouideat, & ita omnia vobis solatiantibus cessante excusatione, iustitia fauente recipiat; vt nec hunc labor observationis afficiat, nec de eius damno aliquid lucri inuasor acquirat. Accendat ergo vos zelus æquitatis, accendat iustitiae rectitudino. Ad custodiendam in cunctis antiquam ecclesiastici ordinis dispositionem, operam instanter impendite, districtos sollicitosque vos inter culpas & innocentiam exhibete; quatenus & iustitiae causam habentibus magna de rectitudinis vestræ sit zelo fiducia, & inquietis de futuro omnis excedendi amputetur occasio.

EPISTOLA XVI.

GREGORII PAPÆ I.

AD COLVMBVM EPISCOPVM NVMIDIÆ.

Paulum episcopum commendat.

Gregorius Columbo episcopo Numidiae.

QVALITER de fraternitatis vestræ debeamus caritate præsumere, ex mentis nostræ quam circa vos habemus, qualitate colligimus. Nec aliter vos apostolicam sedem diligere, quam ipsa vos diligit arbitramur. Vnde necesse est vt eos quos in ecclesia beati Petri apostolorum principis, vt oportet, deuotos esse cognoscimus, vobis, cuius vitam & actio sacerdotis ornat & dignitas, peculiarius commendemus, de cuius scilicet sinceritate firmum experimentum de præteritis iam tenemus. Frater igitur & co-episcopus noster Paulus præsentium portitor, quantis illic fluctibus quantisque aduersitatibus quatatur, sanctitatem vestram memorat non latere. Qui quoniam querelas quas de eo ad vos peruenisse signalistis, non veras esse, sed instigatione aduersantium contra se afferit excitari, & omnia se fudit patrocinante veritate, vobis cognoscéntibus, adiutore posse Domino superare: hortamur, dilectissime frater, vtei, in quibus fuerit iustitiae ratio manifesta, manum decenter præbere solatii, atque sacerdotali eum compunctione debeas adiuuare. Nulla ergo vos res ab æquitatis studio, nulla suspendat potentia personarum. Sed innitens præceptis dominicis, omnia quæ sunt rectitudini aduersa

contemne. In defendendis partibus iustitiae constanter insiste. Odia pro veritate, si quas sunt, sustinere non renuas; vt tanto maiorem in aduentu Redemptoris nostri frumentum mercedis inuenias, quanto eius mandata non negligens, in fauorem iustitiae & defensionem impenderis.

Mense Martio, indicione prima.

EPISTOLA XVII.

GREGORII PAPÆ I.

AD BONIFACIVM PRIMVM DEFENSOREM.

Vt defensores septem existant, qui regionariorum,
notariorum & subdiaconorum priuilegiis vtantur.

Gregorius Bonifacio primo defensori.

ECCLESIASTICIS vtilitatibus fideliter insudantes congruæ remunerationis sunt beneficio prosequendi, vt & nos respondisse eorum digne obsequiis videamur, & illi ex indulta consolationis gratia vtiliores existant. Quia igitur defensorum officium in causis ecclesiæ & obsequiis noscitur laborare pontificum, hac eos concessa prospexitus recompensationis prærogatiua gaudere; constituentes, vt sicut in schola notariorum atque subdiaconorum per indultam longe retro pontificum largitatem sunt regionarii constituti, ita quoque in defensoribus septem qui ostensa suæ experientiæ vtilitate placuerint, honore regionario decorentur. Quos quolibet per absentiam pontificis & sedendi in Conuentu clericorum habere licentiam, & honoris sui priuilegia in omnibus statuimus obtinere. Præterea si quis ad prioris locum veniens in alia fortasse prouincia propter vtilitatem propriam deget, hunc necesse est primatus locum per omnia curare, vt ille prior defensorum omnium possit existere, qui & ante prioratus locum in ecclesiasticis vtilitatibus obsequiisque pontificis non destitit per sedulam præsentiam permanere. Hæc itaque constitutionis nostræ decreta, quæ pro defensorū sunt priuilegiis & ordinatione disposita, perpetua stabilitate & sine aliqua constituimus refragatione seruari; siue quæ scripto decreuimus, seu quæ in eis in nostra præsencia videntur esse disposita: nec a quoquam pontificum

in totum partemve ea qualibet occasione conuelli de-
cernimus vel mutari. Nam nimis est asperum, & præci-
pue bonis sacerdotum moribus inimicum, niti quempiam
quacumque rationis excusatione, & quæ bene sunt ordi-
nata rescindere, & exemplo suo docere ceteros sua quan-
doque post se constituta dissoluere.

Mense Aprili, indictione prima.

PISTOLA XVIII.

GREGORII PAPÆ I.

AD MARINIANVM EPISCO PVM RAVENNATEM.

Concedit priuilegia monasterio sanctorum Ioannis
& Stephani in vrbe Claffitana constituto.

Gregorius Mariniano episcopo Rauennati.

Grat. 18. q.
2. c. Quam
fit.

QVAM sit necessarium monasteriorum quieti prospice-
re, & de eorum perpetua securitate tractare, ante-
actum vos officium, quod in regimine monasterii exhi-
buistis, informat. Et ideo quia monasterium beatorum
Ioannis & Stephani, quod in Claffitana est ciuitate con-
stitutum, cui communis filius Claudius abbas præfesse
dignoscitur, multa a prædecessoribus vestris præiudicia at-
que grauamina pertulisse cognouimus; oportet vt frater-
nitatis vestræ prouisio eorum de futuro quietem salubri
ordinatione disponat; quatenus conuersantes illic in Dei
seruitio, ipsius quoque gratia suffragante, mente libera
perseuerent. Sed ne ex ea quæ magis emendanda est con-
suetudine quisquam illic quolibet tempore quidquam
molestiæ præsumat inferre; necesse est vt hæc quæ infe-
rius enumeranda curauimus, ita fraternitatis vestræ stu-
dio debeant custodiri, vt ex eis non possit vterius inferen-
dæ inquietudinis occasio reperiri. Interdicimus igitur, vt
nullus episcoporum aut sæcularium vltra audeat de redi-
tibus, de rebus vel chartis prædicti monasterii, vel de lo-
co aliquo qui ad id pertinet, quocumque modo qualibet
occasione minuere, nec immisiones dolosas aliquas face-
re. Sed si qua forte causa inter Rauennatem ecclesiam
& præfatum monasterium euenerit, & pacifice non po-
tuerit ordinari apud electos a partibus, timentes Deum,
fine voluntaria dilatione, mediis sacrosanctis euangeliis fi-
niatur.

niatur. Defuncto vero abbate, cuiuscumque congregatio-
nis non extraneus nisi de eadem conuersatione, quem sibi
propria voluntate concors fratrum societas elegerit, & qui
electus fuerit, sine dolo vel venalitate aliqua ordinetur:
quod si aptam inter se personam inuenire nequiuierint, so-
llerter de aliis monasteriis sibi similiter eligant ordinan-
dum. Neque viuenti abbatи quacumque persona quali-
bet occasione in suo monasterio præponatur, nisi forte ex-
tantibus, quod absit, criminibus quae sacri Canones puni-
re monstrantur. Pariter autem custodiendum est, ut inui-
to eiusdem monasterii abbate ad ordinanda alia monaste-
ria, aut ad ordines sacros vel clericatus officium tolli ex-
inde monachi non debeant. Sed si abundantes fuerint, &
ad celebrandas Deo laudes vel vtilitates monasteriorum
complendas sufficient, abbas cum deuotione de his qui
superfuerint offerat, quos dignos coram Deo inuenire
potuerit. Quod si sufficienter habens dare noluerit, tunc
Rauennas episcopus ad ordinanda alia monasteria de his
qui supersunt tollat. Ad ecclesiasticum tamen officium
nullus exinde producatur, nisi quem abbas loci admo-
nitus propria voluntate obtulerit. *Quisquis autem ex*
prædicto monasterio ad ecclesiasticum ordinem peruen-
erit, vltius illic nec aliquam potestatem, nec licentiam
habeat habitandi. Obseruandum quoque est, vt descrip-
tio rerum, aut chartarum eiusdem monasterii ab eccl-
esiasticis fieri non debeat, si quando res exigit, sed abbas lo-
ci cum abbatibus aliis rerum inuentarum attestacionem
faciat. Quotiens autem pro vtilitate monasterii sui ad Ro-
manum pontificem abbas venire vel transmittere forte
voluerit, ei modis omnibus liceat. Præterea cum episco-
porum aduentus desideranter a monasteriis debeant ex-
pectari, quia tamen hospitandi occasione prædictum mo-
nasterium temporibusdecessoris vestri nobis fuisse nun-
tiatum est prægrauatum; oportet vt hoc sanctitas vestra
decenter debeat temperare, vt visitandi exhortandique
gratia ad monasterium, quotiens placuerit, ab eiusdem
civitatis antistite accedatur. Sed sic caritatis officium il-
lic episcopus impleat, vt grauamen aliquod monaste-
rium non incurrat. Vestram quoque fraternitatem præ-
dictus abbas non solum non metuat ad monasterium fre-

Concil. Tom. 13.

Ggg

quenter accedere , sed etiam desiderabiliter concupiscat ; sciens quod per vos substantia monasterii omnino grauari non possit. Data Mense Aprili , indictione prima.

EPISTOLA XIX.

GREGORII PAPÆ I.

AD EVMDEM.

Claudium abbatem commendat.

Gregorius Mariniano episcopo Rauennati.

Quod communēm filium Claudium abbatem latorem præsentium longa apud nos haetenus mora retinuit , res illa fecit , quod magnum nobis , sicut nōstis , erat in verbo Dei solatum : quem etiam hic adhuc volueramus diutius retinere , nisi & ipsum ad suum monasterium festinare , & nos congregationi fratrum eius præsentiam esse omnino necessariam sciremus . Et ideo quia illum , sicut petuit & exigebat vtilitas , relaxandum esse prospeximus , commendantes eum , hortamur , vt sanctitas vestra sacerdotali eum affectione suscipiat , paternam illi monasterio que ipsius caritatem , sicut decet , impendat ; benignitatis suæ eum consolatione refoueat , in eius se tuitionem instanter accommodet , & præsidii sui beneficio liberum ab omni inquietudine redditum , quieti & vtilitatibus fratrum vacare permittat , atque peculiariter , sicut a nobis eum scit diligi , diligit ; quatenus & caritatis vestræ affectum , quem olim expertus est , in se multiplicius recognoscat , & nos in vobis inuenisse se gaudeat .

EPISTOLA XX.

GREGORII PAPÆ I.

AD AGNELLVM EPIS COPVM TERRACINENSEM.

De his qui idola colebant & arbores.

Gregorius Agnello episcopo Terracinensi.

PERVENIT ad nos quosdam illic , quod dici nefas est , arbores colere , & multa alia contra Christianam fidem illicita perpetrare . Et miramur cur hoc fraternitas vestra districta emendare vltione distulerit . Eapropter scriptis

PISTOLARVM LIBER VII. 603

vos præsentibus adhortamur, vt hos diligent inuestigatione perquiratis, & veritate cognita, talem in eis faciatis exerceri vindictam, quatenus & Deus placari possit, & aliis eorum vltio correptionis exemplum sit. Scripsimus autem & Mauro nunc vicecomiti, vt fraternitati vestræ in hac re debeat adhibere solaria, dummodo ad comprehendendos eos inuenire excusationem aliquam non possitis. Quia vero comperimus multos se a murorum vigiliis excusare, sit fraternitas vestra sollicita, vt nullum neque per nostrum vel ecclesiæ nomen aut quolibet alio modo defendi a vigiliis patiatur, sed omnes generaliter compellantur; quatenus cunctis vigilantibus, melius auxiliante Domino ciuitatis valeat custodia procurari.

PISTOLA XXI.

GREGORII PAPÆ I.

AD MARIANVM EPISCOPVM RAVENNÆ.

Commendat vxorem Ioannis, quæ in controuersiam suæ conditionis vocabatur.

Gregorius Mariniano episcopo Rauennæ.

* a. Ge. origii IOANNES præsentium portitor queritur vxorem suam, molestias * Gregorii cuiusdam refugientem, diu in septis venerabilibus residere, & nullum haec tenus inuenisse solarium. Cuius quia de conditione esse controuersiam assertit, & vestræ eam fraternitati periit commendandam, his vos hortamur affatibus, vt eidem mulieri, seruata æquitate, debeatis tuitionem impendere, & a nullo eam contra rationis ordinem grauari aliquo modo permittatis. Sed si de statu eius quæstio perseverat, studii vestri sit, vt sine oppressione aliqua, legali modo ad iudicium veniatur; quatenus dum veritate cognita quod iuris ordo suaserit fuerit definitum, neutra se pars aliquod doleat præiudicium pertulisse.

Mense Maio, inditio prima.

EPISTOLA XXII.

GREGORII PAPÆ I.

AD IOANNEM EPISCOPVM SYRACVSANVM

De Felice quodam Christiano a Samaræi seruitio
liberato.

Gregorius Ioanni episcopo Syracusano.

Iuo part. 13.
cap. 103.
Ioan. diac.
lib. 4.c. 48.

FELIX præsentium portitor questus nobis est, cum sit de Christianis natus parentibus, a quodam Christiano Samaræo se, quod dici scelus est, esse donatum. Et dum huiusmodi superstitionis homines Christiana quolibet modo mancipia possidere nec ratio legis nec reuerentia religionis admittat; se tamen per decem & octo annos in eius asserit seruitio permanisse. Sed cognoscente hoc sanctæ memorie deceffore vestro Maximiano, ab eo se, zelo, sicut decuit, sacerdotali commoto, de Samaræi seruitio nefario dicit liberatum. Sed quia eiusdem Samaræi filius post quinque annos factus dicitur Christianus, & supradictum Felicem in eius seruitium, quantum ipse dicit, quidam nituntur redigere, sanctitas vestra hæc quæ edoceti sumus diligenter inquirat: & si ita ei esse constiterit, eum tueri studeat, & a nullo sub qualibet occasione grauari permittat; quia dum superstitione se & mancipia dominos suos ad fidem præcedentia seruitio eorum aperte redigi iura prohibeant, quanto magis hic de Christianis parentibus natus, & factus a paruulo Christianus, hanc non debet quæstionem aliquo modo sustinere, maxime quia nec patris eius esse seruus potuit, quem liquet ex præiuia potius præsumptione poenam posse venientem de legibus sustinere. Et ideo, sicut diximus, ita eum sanctitatis vestræ defensio rationabiliter tueatur, ut nulli eum sub quolibet argumento sit aliquatenus affligendi licentia.

EPISTOLA XXIII.

GREGORII PAPÆ I.

AD RVSTICIANAM.

Hortatur vt Romam veniat. Et de precio in captiuos
expenso.

Gregorius Rusticianæ patriciae.

AMDVDVM vestræ excellentiæ me scripsisse, & sæpius monuisse reminiscor, vt beati Petri apostolorum principis limina reuidere festinet. Et quæ tanta sit Constantinopolitanæ ciuitatis delectatio, quæve Romanæ vrbis obliuio, ignoro: obtinere apud vos hac ex re nunc vsque nihil merui. Quantum enim ad colligendas æternæ vitæ mercedes veitraq; animæ expedire possit, quantum etiam gloriosæ filiæ vestræ domnæ Eusebiæ in omnibus congruat, & nos subtiliter attendimus, & vos considerare subtilius potestis. Filium vero meum Petrum hominem vestrum, quem vltra ætatem suam sapere, & maturitati studere cognoui, si requiritis, inuenietis quantus hic omnium habitantium circa excellentiam vestram amor sit, quantumque desiderium vt vos reuidere mereantur. Et si præcipiente Domino sacris eloquiis admonemur, vt etiam inimicos diligere debeamus, pensandum nobis est quantæ culpæ sit etiam amantes minime amare. At si forte dicitur quod amamus, nos certissime scimus, quia nemo potest diligere quos non vult videre. Sin vero gladios Italiae ac bella formidatis, solicite debetis aspicere quanta beati Petri apostolorum principis in hac vrbie protec̄tio est, in qua sine magnitudine populi, & sine adiutoriis militum, tot annis inter gladios illæsi, Deo auctore, seruamur. Hæc nos, quia amamus vos, dicimus. Sed omnipotens Deus quidquid animæ vestræ in perpetuum, quidquid opinioni domus in præsenti conspicit expedire, concedat. Decem vero auri libras, quas in captiuorum redemptionem excellentia vestra transmisit, præfato filio meo deferente suscep̄i. Sed peto vt superna gratia, quæ vobis concessit eas pro animæ vestræ mercede tribuere, mihi etiam concedat sine aliquo peccati contagio dispensare, ne vnde vos peccata detergitis, nos inde maculemur. Omnipotens Deus qui

Gggg iij

debilitatem corporis vestri & peregrinationem vestram
conspicit, de sua semper gratia & dulcissimi filii mei dom-
ni Strategii vos vita & salute consoletur, quatenus eum &
vobis per longa tempora, & sibi ad æternitatem nutriat,
vosque cum omni domo vestra & bonis præsentibus re-
pleat, & supernam gloriam habere concedat. Gloriosum
vero dominum Eudoxium nostra petimus vice salutari.

EPISTOLA XXIV.

G R E G O R I I P A P Æ I.

AD FAVSTINVM DEFENSOREM.

De conuersione Iudæorum in Agrigentino territorio.

Gregorius Faustino defensori.
Ioan. diac.
lib. 2. c. 49.

DOMINA abbatissa monasterii sancti Stephani, quod in
Agrigentino est territorio constitutum, indicante
comperimus, multos Iudæorum ad Christianam fidem
diuina gratia inspirante velle conuerti, sed esse necessa-
rium ut aliquis illuc ex nostro mandato debeat proficisci.
Proinde huius tibi auctoritatis tenore præcipimus, vt om-
ni excusatione submota, ad prædictum locum pergere, &
desiderium eorum tuis, Deo propitio, adhortationibus ad-
iuuare festines. **Q**uibus tamen si longum vel triste vide-
tur solennitatem sustinere paschalem, & eos nunc ad ba-
ptisma festinare cognoscis, ne, quod absit, longa dilatio eo-
rum retro possit animos reuocare, cum fratre nostro epi-
scopo loci ipsius loquere, vt poenitentia ac abstinentia qua-
draginta diebus indicta, aut die dominico, aut si celeber-
rima festiuitas fortassis occurrerit, eos omnipotentis Dei
misericordia protegente baptizes: quia & temporis qua-
litas propter eam quæ sibi imminet cladem, impellit vt de-
sideria eorum nulla debeat dilatione differri. **Q**uoscum-
que vero ex eis pauperes, & ad vestem sibi emendam non
sufficere posse cognoscis, te eis vestem, quam ad baptisma
habeant, comparare volumus ac præbere: in quibus pre-
cium quod dederis tuis noueris rationibus imputandum.
Si vero sanctum pascha elegerint expectare, iterum cum
episcopo loquere, vt modo quidem catechumeni fiant,
atque ad eos frequenter accedat, geratque solicitudinem,
& animos eorum admonitione suæ adhortationis accen-

EPISTOLARVM LIBER VII. 607

dat:vt quanto expectatur eis longa festiuitas,tanto se præparare & eam desiderio feruenti debeant sustinere. Præterea cum omni studio ac diligentia studii tui sit perscrutari, vtrum supradictum monasterium, cui antediēta Domina præst, sufficiens sibi sit, an necessitatem aliquam patiatur. Et quidquid in veritate cognoueris, vel quid de his qui baptizari desiderant auctum fuerit, nobis subtiliter indicare festina.

Mense Iunio , indictione prima.

EPISTOLA XXV.

GREGORII PAPÆ I.

AD SABINIANVM EPISCOPVM IADERTINVM.

Obedientiam eius laudat,& ob contumaciam Maximi
turbari non debere suadet.

Gregorius Sabiniano episcopo Iadertino.

SATIS, frater carissime, de sinceritate tua lātificor, quod
eam solliciti discretione iudicii & vbi obediendum est
obedire, & vbi resistendum est resistere, studio sacerdotali
cognosco. Cum quanta namque te deuotionis alacritate
submisericordis his quæ ob culpam præteriti excessus indixi-
mus, literarum tuarum, quas per latorem præsentium di-
rexisti, pagina reseravuit. Nec enim poterat aliter a dilecto
fratre suscipi, quam a diligente mandatum est. Vnde in
omnipotentis Dei miseratione confido, quia ita eius te gra-
tia protegit, vt per hoc etiam ab aliis absolutus, salubriter
paruisse te gaudreas. De hoc vero quod se contristari cari-
tas tua Maximi præuaricatoris & excommunicati æmu-
latione signauit, turbari non debet, sed decet vt ad mo-
dicum tumentes inaniter fluctus patienter tolerando sus-
tineas, & vndarum spumas perseuerantia virtute subster-
nas. Nouit enim patientia leuigare quod graue est, & con-
stantia superare quod fœuit. Animos ergo tuos aduersitas
non deiiciat, sed accendat. Audaciorem te in omnibus vi-
gor sacerdotalis ostendat. Nam vera documenta verita-
tis sunt, promptiorem in duris, & fortiorem se quem-
quam in contrariis exhibere. Ut igitur reætitudinis ro-
bura bono deliberationis suæ nulla valeat impulsione
conuelli, mentis gressus in eius petræ soliditatem, sicut cœ-

pistis , dirigite , in qua Redemptorem nostrum per totum mundum fundasse nostis ecclesiam , quatenus recta sincericordis vestigia in deuio itinere non offendant. Ea vero quæ nobis scripsistis , vel præsentium lator coram positus explicauit, nos non credatis negligenter omittere , sed de his omnino solicite cogitamus. Dilectissimo autem filio nostro Anatolio diacono iam & prius & nunc iterum omnia subtiliter indicauimus, hortantes ut quidquid ad utilitatem ac quietem caritatis vestræ vel filiorum vestrorum pertinet , Creatoris nostri auxilio suffragante augere striete ac studiose festinet. Et ideo fraternitatem vestram nec mœror afficiat, nec inimicitia cuiuslibet affligat. Nam diuinitatis gratia opitulante in proximo adesse confidimus, vt & præfati præuaricatoris & excommunicati præsumptio districtius reprimatur , & vestra quies , sicut desideratis , adueniat. Excellentissimo quoque filio nostro exarcho , qui nobis eum studet commendare , de prauitate ipsius scribere nequaquam omisimus. Presbyterū vero, de quo nos fraternitas tua latoris præsentium relatione consuluit , nulla ratione in sacro ordine post lapsum aut permanere aut reuocari posse cognoscas. Circa quem tamen mitius agendum est, propterea quod commissum facinus faciliter dicitur professione confessus. Præterea pariter hic portitor quædam ecclesiæ vestræ priuilegia a nostris concessa prædecessoribus intimauit. De quibus scriptis caritatis vestræ nos subtilius volumus informari, vel si qua ex eis scripta in ecclesiæ vestræ scrinio reiaceant , eorum hoc exemplaria transmitti necesse est, ut quidquid ad honoris vestri reuerentiam vel gentium præfatæ ecclesiæ pertinet, libenti animo parare possimus. Glorioso autem communis filio domno Marcello , si huc venire voluerit, instantius suadete , quia omnino eum videre desidero. Si vero illic stare elegerit, ita vos ei in caritate qua conuenit exhibete, ut affectui ipsius quem circa vos habet respondere , sicut condecet, valeatis. Omnipotens Deus gratiæ suæ dono vos & custodia protegat , & cor vestrum in ea quæ ei sunt placita semper accendat.

EPI-

EPISTOLA XXVI.

GREGORII PAPÆ I.

AD VICTOREM EPISCOPVM PANORMITANVM.

De Iudeis non opprimendis iniuste.

Gregorius Victori episcopo Panormitano.

SI C V T Iudeis non debet esse licentia quidquam in synagogis suis vltra quam permisum est lege presumere: ita in his quæ eis concessa sunt nullum debent præiudicium sustinere. Quæ autem nobis in hac vrbe Romana habitantes Hebræi pro his qui Panormi degunt conquesti sunt, data vos ab eis petitio, quæ in subditis tenetur, informat. Si igitur querimonia eorum veritate fulcitur, oportet ut fraternitas vestra, legis serie diligenter inspecta, ita eis quidquid hac de re decretum est custodire debeat ac seruare, vt nec ipsa aliquid iniustum facere, nec illi pati præiudicium videantur. Si vero est aliquid quod ad restituendum ea quæ sunt postulata rationabiliter possit obserfere, iudices a partibus elegantur, qui ea quæ æquitati conueniunt valeant definire. Quod si forte illic contentio ipsa finiri nequivuerit, ad nos venire causam necesse est; quatenus sine vestra inuidia quæ amica iustitiæ visa fuerint decernantur. Quousque ergo causa ipsa finem accipiat, a consecratione locorum quæ ablata dicuntur fraternitas se vestra suspendat.

EPISTOLA XXVII.

GREGORII PAPÆ I.

AD IOANNEM EPISCOPVM SYRACVSANVM.

De clericis sacra vasa vendentibus.

Gregorius Ioanni episcopo Syracusano.

QVIA peruenit ad nos, quod quidam ex Italiae ecclesiis clerici vasa sacra in Sicilia venumdarunt, idcirco Pantaleonem notarium nostrum direximus, vt eadem vasa sollicita ^{*al. inquisitione} inuestigatione requereret. Qui postquam in vestra sanctitatis est obsequio occupatus, eamdem causam eum cognouimus neglexisse. Oportet ergo ut fraternitas vestra cōgrua debeat sollicitudine prouidere, vt tem-

Concil. Tom. 13.

H h h

610 GREGORII PAPÆ I.

pore quo vtile esse crediderit, eum ad peragenda ea ipsa
debeat relaxare; quatenus & ipsa de illo possit habere so-
latium, & ipse salubriter valeat quæ sibi sunt mandata
Deo adiuuante peragere: quia necesse est ut iudicione
subsequenti huc veniat, & subtiliter nos coram positus de
cunctis informet.

EPISTOLA XXVIII.

GREGORII PAPÆ I.

AD IOANNEM EPISCOPVM SYRACVSANVM.

De præsumptione clericorum Catanensium, qui in
ecclesia compagis calceati incedebant.

Gregorius Ioanni episcopo Syracusano.

ECCLESIA STICCI vigoris ordo confunditur, si aut teme-
tentur. Peruenit itaque ad nos diaconos ecclesiæ Catanen-
sis calceatos compagis procedere præsumpsisse: quod quia
nulli haçenus per totam Siciliam licuit, nisi solis tantum-
modo diaconis ecclesiæ Messanensis, quibus olim a præ-
decessoribus nostris non dubitatur esse concessum, bene
recolitis. Quia ergo tantæ temeritatis ausus non est le-
uiter attendendus, cum omni hoc fraternitas vestra sub-
tilitate perquirat: & si ita, sicut ad nos peruenit, inuenierit
verum esse, vtrum vel a se, vel alicuius hoc auctoritate
præsumperint, nobis subtiliter innotescat; ut, cognita ve-
ritate, quid fieri debeat disponamus. Nam si negligenter
ea quæ male usurpantur omittimus, excessus viam aliis
aperimus.

Mense Iunio, iudicione prima.

EPISTOLA XXIX.

GREGORII PAPÆ I.

AD EVLOGIVM EPISCOPVM ALEXANDRINVM.

De libris Eusebii, & lignis transmissis.

Gregorius Eulogio episcopo Alexandrino.

VITILIS semper est docti viri allocutio; quia aut discit
audiens quod nescire se nouerat, aut cognoscit, quod
est amplius, id quod se & nescisse nesciebat. Qua in re ex

EPISTOLARVM LIBER VII. 611

audientium numero ego nunc factus sum, cui sanctissima
vestra beatitudo scribere studuit, vt cunctorum martyrum gesta, quæ piæ memoriae Constantini temporibus ab
Eusebio Cæsariensi collecta sunt, transmittere debeamus.
Sed hæc neque si collecta non sint, neque si sint, ante ve-
stræ beatitudinis scripta cognoui. Ago ergo gratias, quia
sanctissimæ vestræ doctrinæ scriptis eruditus cœpi scire
quod nesciebam. Præter illa enim quæ in eiusdem Eu-
sebii libris de gestis sanctorum martyrum continentur,
nulla in archiuo huius nostræ ecclesiæ, vel in Romanæ
vrbis bibliothecis esse cognoui, nisi pauca quædam in
vnius codicis volumine collecta. Nos autem pene om-
nium martyrum, distinctis per dies singulos passionibus,
collecta in uno codice nomina habemus, atque quotidiani-
nis diebus in eorum veneratione Missarum solennia agi-
mus. Non tamen in eodem volumine quis qualiter fit
passus indicatur, sed tantummodo nomen, locus & dies
passionis ponitur. Vnde fit vt multi ex diuerfisterris atque
prouinciis per dies, vt prædicti, singulos cognoscantur mar-
tyrio coronati. Sed hæc habere vos beatissimos credimus.
Ea vero quæ transmitti voluistis, quærentes quidem non
inuenimus, sed adhuc non inuenientes quærimus, & si po-
tuerint inueniri, transmittemus. De lignis autem, quod
scribitis quia brevia fuerint, nauis per quam transmissa
sunt qualitas fecit: quia si maior nauis venisset, potuimus
ligna etiam maiora transmittere. Quod autem dicitis, quia
si maiora transmittimus, precium dabitis; largitati quidem
gratias agimus, sed accipere precium, euangelio interdi-
cente, prohibemur. Nos enim ea quæ transmittimus ligna
non emimus, & quomodo possimus precium accipere,
cum scriptum sit: *Gratis accepistis, gratis date?* Nunc ergo
iuxta modum nauis per nauclerum parualigna transmis-
sus, quorum notitia subter annexa est. Sequenti vero an-
no, si omnipotenti Deo placuerit, maiora præparabimus.
Benedictionem autem sancti Marci euangelistæ, imo,
quod est verius, sancti Petri apostoli in ea dulcedine qua
est transmissa suscepimus, & salutationis alloquium per-
soluentes, petimus vt beatitudo vestra pro nobis orare
dignetur, quatenus & a malis præsentibus mereamur ci-
tius eripi, & a futuris gaudiis non excludi.

Concil. Tom. 13.

*Ioan. diae.
lib. 3. c. 26.*

Math. 10.

Hhhh ij

EPISTOLA XXX.

GREGORII PAPÆ I.

AD EVLOGIVM EPISCOPVM ALEXANDRINVM.

Agit de conuersione gentis Anglorum, commemoratque
in sancta Calchedonensi Synodo papam Romanum
vniuersalem appellatum fuisse.

Gregorius Eulogio episcopo Alexandrino.

COMMVNIS filius præsentium lator sanctitatis vestræ scripta deferens, ægrum me reperit, ægrum reliquit: qua ex re contigit ut ad largum vestræ beatitudinis fontem breuis epistolæ meæ vix parua potuisset aqua refudare. Superni autem muneris fuit, ut in dolore corporis positus suauissimæ vestræ sanctitatis scripta susciperem, quæ me de doctrina Alexandrinæ ecclesiæ, de conuersione hæreticorum, de concordia fidelium sublimiter latifacaret, quatenus ipsa mentis latitia immanitatem mihi molestiæ temperaret. Et quidem de bonis vestris noua semper exultatione gaudemus, sed tamen ita vos perfecte agere,

De Anglo-
rum con-
uersione.

Prom. 14.

noua esse nullo modo deputamus. Quod enim crescit sanctæ ecclesiæ populus, quod ad cælestè horreum spiritales segetes multiplicantur, hoc de omnipotentis Dei gratia, quæ in beatissimis vobis large influit, nunquam habuimus incertum. Gratias itaque omnipotenti Deo soluimus, quia impletum videmus in vobis esse quod scriptum est: *Vbi plurimæ segetes, ibi manifesta est fortitudo boum.* Si enim bos fortis aratrum linguæ in terram cordis audientium non traxisset, tanta fidelium seges minime surrexisset. Sed quoniā vere in bonis quæ agitis accrescit quod & aliis congaudetis, vestræ vobis gratiæ vicem reddo, & non dissimilia nuntio: quia dum gens Anglorum in mundi angulo posita, in cultu lignorum ac lapidum perfidia nuncisque re-

Eulogium
fuisse in
causa mi-
fionis Au-
gustini.
Is in Ger-
mania fa-
ctus est epi-
scopus.

maneret, ex vestræ mihi orationis adiutorio placuit, ut ad eam monasterii mei monachum in prædicatione transmittere Deo auctore debuisse. Qui data a me licentia, a Germaniarū episcopis episcopus factus, cum eorum quoque solatiis ad prædictam gentem in finem mundi perductus est, & iam nunc de eius salute & opere ad nos scripta peruererunt; quia tantis miraculis vel ipse vel hi qui

cum eo transmissi sunt in gente eadem coruscant, vt apostolorum virtutes in signis quæ exhibent imitari videantur. In solennitate autem dominicæ nativitatis quæ hac prima indictione transacta est, plus quam decem millia Angli ab eodem nuntiati sunt fratre & coepiscopo nostro baptizati. Quod idcirco narraui, vt cognoscatis quid in Alexandrino populo loquendo, & quid in mundi finibus agitis orando. Vestrae enim orationes sunt in eo loco vbi non estis, quorum operationes sanctæ monstrantur in eo loco in quo estis. Præterea de Eudoxii hæretici persona, de cuius errore in Latina lingua nihil reperi, mihi a vestra beatitudine largissime gaudeo satisfactum. Virorum quippe fortissimorum Basili, Gregorii, atque Epiphani testimonia protulisti, & manifeste peremptum cognoscimus eum in quem heroes nostri tot iacula dederunt. De his vero erroribus qui nunc in Constantinopolitana ecclesia probantur exorti, doctissime omnia, & vt iudicium tantæ sedis proferre decuit, respondistis. Vnde omnipotenti Deo gratias agimus, quia adhuc arca Dei insunt tabulae testamenti. Quid est enim sacerdotale cor nisi arca testamenti? in qua quia spiritualis doctrina viget, procul dubio tabulae legis iacent. Indicare quoque vestra beatitudo studuit, iam se quibusdam non scribere superba vocabula, quæ ex vanitatis radice prodierunt, & mihi loquitur, dicens: Sicut iussisti. Quod verbum iussionis peto a meo auditu remouete; quia scio quis sum, qui estis. Loco enim mihi fratres estis, moribus patres. Non ergo iussi, sed quæ utilia visa sunt indicare curauit. Non tamen inuenio vestram beatitudinem, hoc ipsum quod memoria vestra intuli, perfette retinere voluisse. Nam dixi, nec mihi vos, nec cuiquam alteri tale aliquid scribere debere: & ecce in præfatione epistolæ, quam ad meipsum qui prohibui direxisti, superbæ appellationis verbum, vniuersalem me papam dicentes, imprimere curasti. Quod peto dulcissima mihi sanctitas vestra ultra non faciat; quia vobis subtrahitur quod alteri plus quam ratio exigit præbetur. Ego enim non verbis quaro prosperari, sed moribus. Nec honorem esse deputo, in quo fratres meos honorem suum perdere cognosco. Meus namque honor est honor vniuersalis ecclesiæ. Meus honor est, fratrum meorum solidus vigor.

Augustini
& aliorum
miracula.

Plus quam
10000. An-
glos una
die bapti-
zat.

Eudoxius
hæreticus.

Hæretes
Constanti-
nopolitanæ
suppreßæ.

Iubendi &
vniuersalis
pape attri-
buta explo-
dit Grego-
rius.

H h h iij

Tunc ergo vere honoratus sum , cum singulis quibusque honor debitus non negatur. Si enim vniuersalem me pampam vestra sanctitas dicit , negat se hoc esse quod me fateatur vniuersum. Sed absit hoc. Recedant verba quæ vanitatem inflant, & caritatem vulnerant. Et quidem in sancta Calchedonensi Synodo , atque post a subsequentibus patribus hoc decessoribus meis oblatum vestra sanctitas nouit. Sed tamen nullus eorum vti hoc vñquam vocabulo voluit , vt dum in hoc mundo honorem sacerdotum diligenter omnium, apud omnipotentem Deum custodirent suum. Proinde debitum salutationis alloquium soluens peto , vt in sanctis orationibus vestris mei memores esse dignemini , quatenus a peccatorum meorum nexibus, quia meis meritis non valeo , vestris intercessionibus me Dominus absoluat.

PISTOLA XXXI.

GREGORII PAPÆ I.

AD SECUNDINVM EPISCOPVM TAVROMINITANVM.

De querimonia monachorum monasterii
Castellienfis.

Gregorius Secundino episcopo Taurominitano.

QVERIMONIAM monachorum monasterii Castellienfis oblata ab eis petitio ; quæ tenetur in subditis, patet. Proinde fraternitas vestra hæc quæ asserunt sollicita perscrutari cura studeat. Et si ea inuenerit veritate subfistere, rationem tuitionis illis impendat, & monasterium, quod monasterio eorum vnitum est , secundum consuetudinem deputatis de congregacione eorum illic monachis prouideat ordinari : quia rationis ordo non patitur ut monasterium ipsum , & maxime contra voluntatem fundatorum, ab eorum dispositione ad arbitrium suum præfertim laica persona subducatur , aut aliquis sibi in id ius debeat vendicare.

EPISTOLA XXXII.

GREGORII PAPÆ I.

AD DOMINICVM EPISCOPVM CARTHAGINENSEM.

De laude caritatis.

Gregorius Dominico episcopo Carthaginensi.

SCRIPTA sanctitatis vestræ, quæ latore præsentium de-
ferente suscepimus, ita sacerdotalem modestiam lo-
quebantur, vt auctoris sui corporalem nobis quodammodo
præsentiam blandirentur. Nec enim sermo rarus ali-
quid officit, vbi manet in animis continuus dilectionis af-
fectus. Magna autem caritas virtus est, dilectæ frater, quæ
sinceritatis suæ vinculo alterna mutuo affectu corda con-
stringit, & ea a gratiæ non finit compage dissolui, disiun-
cta coniungit, vnitæ custodit, & ignotos sibi imagine red-
dit cognitos per amorem. *Quisquis igitur in huius cardine*
mentem figit, eum de supernæ patriæ habitaculo cuiuslibet
aduersitatis impulsio non euellit; quoniam quocumque se
verterit, a mandatorum limite non excedit. Vnde
& in eiusdem caritatis laude per egregium prædicatorem
dicitur: *Quæ est vinculum perfectionis. Quantæ itaque sit lau-* Celoff. 3.
dis aspicimus, quæ perfectionem non solum in mente ge-
nerat, sed etiam ligat. *Quia igitur huius virtutis igne suc-*
censum tuarum te prodit locutio literarum, vberi in Do-
mino exultatione latiflor, atque opto vt hæc in te magis
magisque resplendeat; quia lux gregis flamma est pastoris.
Decet enim pastorem, decet dominicum sacerdotem mo-
ribus & vita clarescere; quatenus in eo tamquam in vi-
tæ suæ speculo plebs commissa & eligere quod sequatur,
& videre possit quod corrigat. Scientes præterea vnde
in Africanis partibus sumpserit ordinatio sacerdotalis ex-
ordium, laudabiliter agitis quod sedem apostolicam di-
ligendo ad officii vestri originem prudenti recordatione
recurratis, & probabili in eius affectum constantia per-
manetis. Certum quippe est, quia vestro honori addi-
tis, quidquid reuerentiæ ac deuotionis ordini sacerdo-
tali exhibetis; quia per hoc vt vicaria erga vos dilectione
adstringi debeat inuitatis. *Quod supereft, carissime fra-*
ter, omnipotentem Dominum assidua oratione posca-

mus; quatenus cordis nostri gressus in veritatis suæ trahimenter dirigat, & ut ad cælestia regna perducat, nominis officium protectionis suæ gratia operibus nos exhibere concedat.

Mense Augusto, indictione prima.

EPISTOLA XXXIII.

GREGORII PAPÆ I.

AD IOANNEM EPISCOPVM SQVILLATINVM.

De oppressione monachorum Castellensis monasterii.

Gregorius Ioanni episcopo Squillatino.

GRAVE nimis & contra sacerdotale constat esse propostum, velle cuiusquam monasterii priuilegia olim indulta confundere, & ad irritum quæ sunt pro quiete disposita niti deducere. Questi itaque nobis sunt monachi Castellensis monasterii, quod in fraternitatis vestræ ciuitate est constitutum; quia eidem monasterio quædam contra ea quæ a prædecessoribus vestris promissa ac consuetudine longa seruata sunt festinetis superinducere, & antiquam ordinationem quadam præiudicij nouitate turbare. Proinde his fraternitatem vestram hortamur affatus, vt, si ita est, ab eius molestia se sine aliqua excusatione contineat, & quæ ei sunt diutius custodita, nullius occasionis tentet usurpatione conuellere: sed cuncta illibate, & sine aliqua studeat refragatione seruare, & plus sibi in eodem monasterio, quam prædecessoribus suis licuit, nouerit non licere. Quia vero pariter questi sunt fraternitatem tuam quædam de monasterio sub xenii quasi specie abstulisse; necesse est vt si quid te indecenter recolis accepisse, sine dilatione restituas, ne auaritia te grauiter culpa redarguat, quem largum erga monasteria sacerdotalis magis debuerat munificentia demonstrare. Seruatis itaque omnibus, quæ a tuis, sicut diximus, prædecessoribus promissa sunt ac seruata, curæ tuæ sit circa aëtus ac vitam consistentium illic monachorum te vigilantem insistere; & si quempiam illic praeue conuersari, aut in aliquam immundiciæ, quod absit, culpam inuenieris incidisse, districta ac regulari emendatione corrigerere. Nam sicut ab iis quæ incongrue usurpantur fraternitatem vestram volumus abstine-

re,

re, ita in his quæ ad disciplinæ reætitudinem vel animarum custodiam pertinent, esse solicitam modis omnibus admonemus. Indicauerunt etiam prædicti monasterii monachi, castrum quod Squillitanum dicitur, in solo iuris monasterii eorum esse fundatum, atque ob hoc habitantes illic factis libellis solatium annis singulis spondisse persuere, sed postea contempssisse, & ab eadem se præstatione superuacue suspendisse. Fraternitas ergo vestra subtiliter veritatem curet addiscere, & si ita repererit, instanter studeat ut ea quæ promiserunt, quia & ratio exigit, præbere non differant; quatenus & illi quiete quod tenent possideant, & monasterii iura præiudicium non incurvant. Præterea questi nobis sunt prædicti monasterii monachi, abbatem suum terram intra Squillitanum castrum, quæ in sexcentos pedes extenditur, sub prætextu fabricandæ ecclesiæ fraternitati tuæ donationis titulo concessisse; & ideo volumus, quantum parietes possunt ædificatæ ecclesiæ circumdare, iuri ecclesiæ vendicari: quidquid vero extra parietes eiusdem ecclesiæ esse potuerit, ad iura monasterii sine difficultate aliqua reuertatur; quia nec mundanarum legum, nec sacrorum Canonum statuta permitunt res monasterii de iure eius quolibet titulo segregari. Eapropter donationem eiusdem terræ, quæ contra rationem facta est, sine aliqua dilatione restitue.

EPISTOLA XXXIV.

G R E G O R I I P A P Æ I.

AD LEONTIVM EXCONSULEM.

De cælesti Ierusalem & Babylone.

Gregorius Leonio exconsuli.

QVIA in magna domo non solum sunt vasæ aurea & ar-^{2. Tim. 2.} gentea, sed & lignea & fictilia, & quædam quidem in honorem, quædam autem in contumeliam; quis ignoret quod & in vniuersitate ecclesiæ finu alii velut vasæ contumelia rebus deputantur infimis, alii vero ut honoris vasæ rebus aptantur mundis? Et tamen plerumque continet, ut & ciues Babyloniarum in angaria feruant Ierusalem, & ciues Ierusalem, id est, cælestis patriæ, in angaria de-

Concil. Tom. 13.

Iiii

putentur Babyloniæ. Cum enim electi Dei magnis moribus præditi, modestia ornati, lucra propria non quærentes, terrenis deputantur rebus, quid aliud quam sanctæ Ierusalem ciues in Babyloniæ opere seruiunt? Et cum quidam in prauis moribus effrenati locum sancti honoris tenent, atque in ipsis quæ benefacere videntur propriam laudem querunt, quid aliud quam ciues Babyloniæ supernæ Ierusalem angarias exoluunt? Sic enim Iudas apostolis admixtus diu Redemptorem humani generis prædicauit, signa cum ceteris fecit. Sed quia Babyloniæ ciuis fuerat, Ierusalem cælesti opus suum in angaria persoluit. At contra Ioseph in Ægyptum ductus terreno paliatio seruiuit, curam ministerii in rebus temporalibus gessit, quidquid iuste regno transitorio debebatur, exhibuit. Sed quia sanctæ Ierusalem ciuis extitit, seruitium Babyloniæ in sola, ut prædictum est, angaria ministrauit. Huius ergo, bone vir, esse te sequacem credo, quem terrenis actibus implicatum, mansueto spiritu agere, humilitatis arcem per omnia custodire, & singulis quæ iusta sunt tribuere cognosco. Tanta enim de vestra gloria a multis bona referuntur, ut mihi hæc non libeat audire, sed cernere; eius tamen, quem videre non licet, bona me pascit opinio. Sanctæ autem ecclesiæ, id est, omnium electorum typum tenens mulier, quæ alabastrum fudit, domum repleuit vnguento. Et nos quotiens de bonis aliquid audimus, suavitatis auram quasi per narem trahimus. Et Paulus apostolus cum dicebat, *Christi bonus odor sumus Deo*, patenter datur intelligi, quia saporem se quidem præsentibus, sed odorem absentibus exhibebat. Nos itaque qui per præsentia saporem non possumus, per odorem vestram absentiæ nutrimur. De hoc etiam valde gaudemus, quod munera quæ transmisstis vestris moribus dissimilia non fuerint. Oleum quippe sanctæ Crucis & aloes lignum suscepimus: unum quod tactu benedicat, aliud quod incensum bene redoleat. Decebat igitur ut bonus vir ea transmitteret, quæ iram nobis Domini placare potuissent. Alia quoque in cellariis multa misistis; quia sicut & mente & carne subsistimus, necessarium fuit ut a vobis nunc in utroque contineri deberemus. De quibus transmissis cur dulcissima mens vestra valde se erubescere fatetur, atque eidem verecundiæ scu-

Lnc. 7.

z. Cor. 1.

tum caritatis opponere? Sed in his ego verbis omnimodo gaudeo, quia in tali mentis attestatione cognosco, quod nunquam possit aliena tollere, qui & hoc ipsum erubescit, quod propria largitur. Parua vero appellatis munera vestra, quae magna sunt: sed credo ut adhuc amplius ex ipsa gloriæ vestræ humilitate proficiant. Et petitis ut hæc bona mente suscipiam. Sed inter ista ad memoriam cuiusdam viduæ duo minuta reducite. Si enim illa Deo placuit, quæ bono animo pauca obtulit; cur non hominibus placeat, qui mente humili multa dedit? Præterea benedictionem vobis sancti Petri apostolorum principis, clauem sacratissimi sepulcri eius, in qua benedictio de catenis illius est inserta, transmisimus, ut quod eius collum ligauit ad martyrium, hoc vestrum ab omnibus peccatis absoluat.

LIBRI SEPTIMI PARS ALTERA.

Mense Septembri, indictione I L.

EPISTOLA I.

GREGORII PAPÆ I.

AD IANVARIVM EPISCOPVM CALARITANVM.

De exarata messé cuiusdam ante Missarum solennia
dominicorum die, & terminis eradicatis
post Missarum solennia.

Gregorius Januario episcopo Calaritano.

PRÆDICATOR omnipotentis Domini Paulus apostolus dicit: *Seniorem ne increpaueris.* Sed hæc eius regula ^{v. Tim. 5.} tunc in eo seruanda est, cum culpa senioris exemplo suo non trahit ad interitum corda iuniorum. Vbi autem senior iuuenibus exemplum ad interitum præbet, ibi disticta increpatione feriendus est; nam scriptum est: *La-* ^{v. Isa. 42.} *queus iuuenum omnes vos.* Et rursus propheta dicit: *Et puer* ^{v. Isa. 65.} *centum annorum maledictus est.* Tanta autem nequitia ad aures meas de tua senectute peruenit, ut eam, nisi adhuc humanitus pensaremus, fixa iam maledictione feriremus. Dictum quippe mihi est, quod dominico die, priusquam Missarum solennia celebrares, ad exarandam messem latoris præsentium perrexisti, & post exarationem eius Missarum solennia celebrasti. Post Missarum solennia

Concil. Tom. 13.

Iii iij